

229

Zertreib herte eyer mit honig / vnd isse das gegen der
nacht.

Fur alten Dusten.

Brote Nafelnus / vnd isse die / Odder nym ein Fei-
gen vnd lege drey odder vier gantzer Pfefferkörner dar-
ein / so du schlaffen wilt gehen / brote die vnd isse es /
trinck nichts darnach / thu es drey nechte / es hilfft di-
ch. Item / trinck am husten nichts sawers / vnd dein
getranck sey lawlich / nicht kalt / du solt auch nicht
lang nüchtern sein am husten.

Fur Rewhen / odder Heyfern.

Zucker isse aus frischem wasser nüchtern / so verge-
het sie / Odder nym Feigen / schneid die entzwey / streu
gestossene negelein darauff vnd isse / es vergehet.

Item / stos Eisenkraut / vnd binds vmb die Kelen /
so vergehen die heyfern / wie gros sie ist.

Ein anders.

Item / stos Senff vnd feyst Feigen zusammen / des
isse gegen dem abend / es hilfft wol fur die heyfern.

Zu der Stymme.

Ein gute Stym mach also / Stos ynn einem mör-
ser senff gar klein / vnd nym gestossen pfeffer / temperirs
zusammen mit honigsam / vnd mach kleine kühlein /
die isse nüchtern / Odder nym Allam / gemalen pfeffer /
halt yhn lang ym munde.

Fur giftige Bisse.

Wenn dich ein Nater / odder sonst ein vnzyfer beist /
odder ein viehe / das es geschwilt / So nym erdpeerkr-
ant / zumisch das / vnd thu es ynn ein wein / trinck dar-
von / es hilfft dich / Odder gibs dem vihe zu trincken
ynn wasser.

Fur wütend Dundes bisse.

S

Isse Beyers